



Sesida dals

Communitgà ils

Protocol nr.

6 da settember 2022

7 da settember 2022

715/2022

Incumbensa Hohl

concernent l'acceleraziun da la transfurmaziun digitala en l'administraziun
dal Grischun

Resposta da la Regenza

La Regenza sa stenta da promover cun gronda prioritad la digitalisaziun en l'entira administraziun. Quest fatg sa mussa betg sco ultim a maun dal plan da realisaziun actual. Var 30 projects en il sector da las taglias, da l'Uffizi per il traffic sin via, da las proceduras per la permissiun da construcziun, dals Servetschs socials, dals fatgs da valitaziun, dals stipendis, da las permissiuns per persunas estras e da las natiralisaziuns sco er dal e-voting – per numnar mo in pèr – èn actualmain en la fasa da planisaziun u da realisaziun e vegnan mess a disposiziun ils proxims onns pass per pass a la publicitad. Ina cumponenta centrala furma en quest connex l'uschenumnà «ePortal». En il ePortal vegnan purschids en l'avegnir ils servetschs digitals per la populaziun e per l'economia. L'identificaziun da las utilisadras e dals utilisaders sco er la regulaziun dals access als servetschs digitals han lieu cun il «Identity and Access Management System» (IAM). Ensemen cun il IAM furma il ePortal l'infrastructura da basa da las purschidas chantunalas dad e-government. Il ePortal vegn a star a disposiziun a la vasta populaziun previsiblamain l'onn 2024 e vegn a cuntegnair emprimas applicaziuns spezialisadas. Il ePortal vegn a simplifitgar considerablamain il barat tranter il chantun Grischun e la populaziun, ed il barat vegn ad esser pli independent dal temp resp. dal lieu. Sco gia explitgà en la resposta da la Regenza a la dumonda Hohl, dovra la realisaziun da projects da digitalisaziun però fitg bler temp e fitg bleras resursas. En blers cas èn ils projects caracterisads da lur gronda complexitad tecnica ed administrativa. Perquai ch'i vegnan elavuradas datas sensibilas, sto vegnir dada in'attenziun speziala a la protecziun resp. a la segirezza da las datas.

Plinavant ston vegnir stgaffidas las basas giuridicas che permettian in summa da liquidar las proceduras sin via digitala. La consultaziun tar il relasch d'ina Lescha

davart il e-government (LEGov; DG 177.100) ha cumenzà ils 15 d'avust 2022. La fatschenta duai vegnir tractada en il Cussegl grond durant la segunda mesadad da l'onn 2023.

Tar il punct 1: L'elavuraziun da la nova Strategia dad e-government ha gia cumenzà. Quai cun il sustegn d'ina cussegliaziun externa. En quest connex vegnan tut ils aspects da la strategia actuala (incl. organisaziun) analisads criticamain ed i vegnan resguardads ils svilups actuals. La finamira è da deliberar la nova Strategia dad e-government l'onn 2023. Quai è da princip ina incumbensa da l'executiva. Ins sto dentant partir dal fatg che la nova Strategia dad e-government na sa laschia betg realisar cun la priorisaziun giavischada, sche la lavur sto vegnir fatga cun las resursas finanzialas e persunalas actualas. Dumondas correspondentas per augmentar las resursas vegnan suttamessas al Cussegl grond en in rapport per laschar prender ina decisiun.

Tar ils puncts 2a fin 2d: Dapi che la Strategia actuala dad e-government è vegnida messa en vigur, han intgins projects gia pudì vegnir realisads. Sco menziunà qua survart, vegnan ulteriurs projects a suandar ils proxims onns, e quels vegnan a porscher ina plivalur considerabla a la populaziun grischuna ed a las interpresas indigenas. Igl è evident che projects dad e-government pudessan vegnir accelerads cun agid d'ulteriurs meds finansials e cunzunt cun dapli persunal. Dumondas motivadas correspondentamain vegnan suttamessas al Cussegl grond per la decisiun – sco menziunà tar il punct 1.

Il controlling succeda actualmain durant il quart quartal en furma d'in rapport annual detaglià per mauns da la Regenza. Il Cussegl grond vegn mintgamai infurmà en il rom da la controlla dal success tar il program annual.

Sa basond sin questas explicaziuns propona la Regenza al Cussegl grond d'acceptar questa incumbensa.



En num da la Regenza

Il president:

Marcus Caduff

Il chancelier:

Daniel Spadin